

RESUMEN CRONOLOGICO DI ARUBA SU CARNAVAL

1944 Pasco: Un grupo di persona, descendiente di Trinidad, ta forma un parada den besindario di Lago Heights na San Nicolas.

1944 februari: Tivoli Club ta tene un celebracion di Carnaval pa recauda fondo pa nan club nobo.

1945: Carnaval ta start spontaneamente na Aruba pa celebra dia di Victoria di final di guera. Tabatin un parada grandi na San Nicolas.

1947 februari: Calvin Assang y un grupo chikito, descendiente di Trinidad, disfrasa na Sheiknan Arabe, ta tene un parada na San Nicolas pa 'celebra Carnaval'. Esaki ta e prome parada publico di Carnaval prome cu Cuaresma.

1946 - 1947: Leonnard Turner, descendiente di Trinidad, mester haña e credito pa introduci steelband na Aruba. E prome steelband ta "Invaders", dirigi pa Leonnard Turner, un ex-miembro di e banda original "Invaders" di Trinidad. Despues e ta lanta e steelband, yama "Shoo-Shoo Baby and Aruba All Stars". Naldo Brown y Edgar Connor ta funda e di dos y di tres steelband Arubiano: "Aruba All Stars" y "Invaders" nobo.

1948, 7 y 9 di februari: Falcon Club y Swingsters Square Gardens di San Nicolas ta tene un Carnaval prome cu Cuaresma, estrenando "Invaders" steelband dirigi pa Leonnard Turner

1948 februari: Calvin Assang y su grupo 'Arab Sheiks' ta haya permiso pa tene un parada publico. Esaki ta e di dos parada publico di Carnaval.

1949 februari: Pa di prome biaha Tivoli Club ta tene un parada di Carnaval disfrasa publico. E parada ta pasa rond di Tivoli Club na Oranjestad. Esaki ta e prome parada di Carnaval prome cu cuaresma na Oranjestad.

1950 mei: "Invaders" steelband di Trinidad ta bishita Aruba y ta toca na Lago Club.

1950 (rond di e fecha aki): Prome brassband na Aruba, yama "Excelsior".

1954 februari: Club Antilliana ta join Tivoli Club den un parada di Carnaval na Oranjestad.

1954 december: Comishon Central di Carnaval Aruba (CCCA) ta keda funda. Presidente temporario, G.A. Oduber, despues Eric Arends ta tuma over.

1955 februari: CCCA ta organisa e prome Carnaval publico coordina na Aruba, cu ta trese hunto e diferente gruponan di Carnaval existente.

1955 februari: For di 120 participante di rond Aruba, e prome Reina di Carnaval oficial (Eveline Croes, Reina Tivoli Club), ta ser corona na San Nicolas.

1956 februari: Eleccion di Reina di Carnaval ta move pa Oranjestad pa tur e añanan siguiente.

1957 februari: E custumber a lanta di tene dos parada grandi, e prome na San Nicolas y e di dos na Oranjestad.

1964: SAC (Stichting Arubaanse Carnaval) a keda funda. Presidente ta Milo Croes.

1964: Comishon Carnaval Hubenil ta keda funda. E prome presidente ta Sr. Edison Croes. E actual presidente, Sr. Modesto Ruiz, a forma parti di e comishon original.

1964: Prome Reina Hubenil di Carnaval, Jolanda Coutinho, ta ser corona na Tanki Leendert Jeugd Centrum.

1964: Prome Prins y Pancho Hubenil di Aruba: Antonio Erasmus "Prins Tolon" y Jossy Tromp "Prins Barigon".

1964: Prome Calypsonian Contest. Ta competi e prome cantante di Calypso di Aruba "Lord Cobashi", Charles Groeneveldt, y Paul Connor. Connor ta gana e titulo di Calypso King cu e cantica 'Pork for Sale'.

1967 (rond di e fecha aki): Brassband ta drenta Carnaval atrobe cu e brassband di YMCA, dirigi pa Samuel Hodge y Arnold Beyde.

1971: Prome Festival di Tumba. Rey di Tumba ta Casin Giel cu e tumba 'Temporada di Carnaval'.

1976: Prome Reina Infantil di Carnaval, Jeanette v.d.Linden, representando Savaneta.

1981, 14 di februari: E prome parada grandi di Carnaval di Aruba Tivoli Club, yama "Tivoli Lighting Parade".

1988: En coneccion cu e di dies aña di existencia di Instituto di Cultura , ta organisa un concurso pa haña un nomber adecuado pa nos ritmo di brassband. E nomber ganado ta "Asambeho", cu ta un abreviacion di e nombernan Samuel Hodge y Arnold Beyde.
E persona cu a bin cu e nomber ganado ta Edwin R. Gomes.

1994: Celebracion di Carnaval 40 di Aruba. Biblioteca Nacional ta organisa un exposicion grandi pa e ocasion aki.

* B.N.A. no a logra haña informacion ki tempo Jouvert Morning a cuminsa. Aparentemente ta rond di aña 50. Cocoyoco Jam (Noord) a cuminsa na aña '93.

1981 Pa prome biaha ta yama e Calypsonian Contest
di antes "Calypso and Roadmarch contest."
Pero desde 1965 tabata saca e Roadmarch King